

吾日三省吾身

己所不欲, 勿施於人.

行有不得者, 皆反求諸己.

苟日新, 日日新, 又日新.

見利思義, 見危授命.

見義不爲, 無勇也.

必死則生, 必生則死.

一夫當逕, 足懼千夫.

神策究天文, 妙算窮地理.

戰勝功既高, 知足願云止.

- 을지문덕, 「與隋將于仲文詩」-

秋風唯苦吟, 世路少知音.

窓外三更雨, 燈前萬里心.

- 최치원, 「秋夜雨中」-

春雨細不滴, 夜中微有聲,

雪盡南溪漲, 草芽多少生.

- 정몽주, 「春興」-

人言江南樂, 我見江南愁.

年年沙浦口, 腸斷望歸舟.

- 허난설헌, 「江南曲」-

松下問童子, 言師採藥去.

只在此山中, 雲深不知處.

- 가도, 「尋隱者不遇」-

江碧鳥逾白, 山青花欲然,

今春看又過, 何日是歸年.

- 두보, 「絕句」-

秋陰漠漠四山空, 落葉無聲滿地紅,

立馬溪橋問歸路, 不知身在畫圖中.

- 정도전, 「訪金居士野居」-

遠上寒山石徑斜, 白雲深處有人家.

停車坐愛楓林晚, 霜葉紅於二月花.

- 두목, 「山行」-

雨歇長堤草色多, 送君南浦動悲歌,

大同江水何時盡, 別淚年年添綠波.

- 정지상, 「送人」-